

Na osnovu člana 103. stav (1) tačka c) Zakona o visokom obrazovanju u HNK, članova 72., 128. stav (1) tačka c), 163. stav (1) Statuta Univerziteta „Džemal Bijedić“ u Mostaru, a u skladu sa članom 12. i 13. Pravila studiranja na III ciklusu studija i sticanja zvanja doktora nauka na Univerzitetu „Džemal Bijedić“ u Mostaru, na osnovu prijedloga Vijeća doktorskog studija Agromediteranskog fakulteta, temeljem Odluke Senata Univerziteta, broj: 101-2842/19 od 28.11.2019. godine, raspisuje se

## KONKURS

**za upis prve generacije polaznika na doktorski studij Poljoprivreda na Agromediteranskom fakultetu Univerziteta „Džemal Bijedić“ u Mostaru.**

<b>Naziv studija:</b>	Doktorski studij - Poljoprivreda
<b>Nivo:</b>	Treći ciklus studija
<b>Model:</b>	Treći ciklus u trajanju od tri godine
<b>Broj ECTS bodova:</b>	180 ECTS
<b>Vrsta studija:</b>	Akadske studije
<b>Zvanje:</b>	Doktor poljoprivrednih nauka
<b>Oblast obrazovanja:</b>	Biotehničke nauke – Naučno polje - Poljoprivreda
<b>Način izvođenja:</b>	Redovne studije, u sjedištu, u trajanju od šest semestara
<b>Cijena doktorskog studija:</b>	15.000,00 KM

Doktorski studij, u trajanju od šest semestara, izvodit će se na **modulima**:

1. Ekologija i zaštita okoliša
2. Genetika i oplemenjavanje biljaka
3. Ukasno bilje i pejzažna arhitektura
4. Proizvodnja i prerada bilja
5. Vinogradarstvo i vinarstvo
6. Voćarstvo.

### USLOVI ZA PRIJAVU

#### 1. uslovi upisa na studijski program

- a) Završen studij drugog ciklusa, na kojem je kandidat postigao 300 ECTS bodova, stečeno akademsko zvanje magistra struke iz oblasti Poljoprivrede (Agronomije) sa najmanjom prosječnom ocjenom 8,00;
- b) Po ranije važećim propisima stečen akademski naziv magistra nauka iz oblasti Poljoprivrede (Agronomije) sa najmanjom prosječnom ocjenom 8,00. Takvi kandidati se mogu direktno upisati u treći semestar postdiplomskog doktorskog studija, na odgovarajuću srodnu oblast;
- c) Po ranije važećim propisima završen specijalistički studij iz oblasti Poljoprivrede (Agronomije) sa najmanjom prosječnom ocjenom 8,00, uz obavezu polaganja razlike predmeta;

- d) Završen studij iz alineje (a) ili alineje (c) ili stečen naziv iz alineje (b) s najmanjom prosječnom ocjenom 7,0 uz dvije preporuke predmetnih nastavnika sa prethodnih ciklusa koje je kandidat pohađao;
- e) Završen studij iz alineje (a) ili alineje (c) ili stečeni naziv iz alineje (b) pod uslovom da kandidat ima dva najmanje objavljena naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIEp i da je najmanje jedan rad javno prezentiran na međunarodnoj naučnoj konferenciji.
- f) Pravo prijave na studij imaju kandidati u zvanjima na nivou diplomiranog inženjera iz oblasti Poljoprivrede (Agronomije), koji žele upisati odgovarajuću srodnu oblast, a koji su svoja zvanja stekli na osnovu studijskih programa započetih po starom sistemu obrazovanja. Ukoliko se može ustanoviti da su takvi kandidati stekli dodatna znanja na osnovu objavljenih naučno-istraživačkih radova ili pohađanjem i polaganjem ispita u sklopu postdiplomskog magistarskog studija započetog po starom sistemu obrazovanja i upišu se na predloženi doktorski studij, može im se omogućiti početak studija sa već stečenih do 30 ECTS bodova na osnovu poređenja stečenih znanja i obaveznih predmeta na predloženom studiju. Tačan broj ECTS bodova, koji se kandidatu priznaju kao ekvivalent stečenom znanju, propisuje Vijeće dokorskog studija za svakog kandidata ponaosob.
- g) Na postdiplomski doktorski studij mogu se prijaviti kandidati sa završenim diplomskim studijem iz područja tehničkih nauka, na kojem je kandidat postigao 300 ECTS bodova, a koji nije srodan oblasti koju želi upisati na postdiplomskom doktorskom studiju.
- h) Na postdiplomski doktorski studij mogu se prijaviti i kandidati u zvanjima na nivou diplomiranog inženjera i magistra tehničkih nauka po starom sistemu obrazovanja koji nije srodan oblasti koju želi upisati na postdiplomskom doktorskom studiju.
- i) Na postdiplomski doktorski studij mogu se prijaviti i kandidati sa završenim diplomskim studijem iz naučnog područja prirodnih nauka.
- j) Kandidatima sa završenim studijem iz alineje (g) ili alineje (h) ili alineje (i) obzirom na stečene kompetencije, Vijeće dokorskog studija može propisati obavezu upisa i polaganja i odgovarajućeg broja za doktorski studij relevantnih predmeta s diplomskog studija odabrane oblasti. Stečene kompetencije utvrđuju se iz dodatka diplomi;

Svi kandidati treba da posjeduju znanje engleskog ili drugog stranog jezika važnog za oblast studija.

## **2. uslovi prelaska sa drugih studijskih programa**

Planirana struktura i organizacija dokorskog programa, zasnovana na ECTS sistemu bodova, omogućava otvorenost i mobilnost studenata:

- Studenti ovog studija mogu upisati kolegije i na drugim odgovarajućim programima na Univerzitetu, kao i na drugim univerzitetima u zemlji i inostranstvu;
- Studenti drugih dokorskih programa koji se izvode na drugim studijima mogu upisati kolegije ovog dokorskog programa;
- Mogućnost upisa je otvorena stručnjacima iz drugih oblasti iz biotehničkih nauka.

**Uz prijavu na Konkurs za upis u prvu godinu u kojoj se navodi odabrani modul, kandidat je dužan dostaviti sljedeće dokumente:**

- biografija sa opisom stručne i naučne aktivnosti;
- izvod iz matične knjige rođenih (ovjerena kopija);
- uvjerenje o državljanstvu ( ne starije od 6 mjeseci);
- pasoš ili drugi adekvatan dokument za strane državljane (ovjerena kopija);
- diplomu o završenom VII/1 stepenu stručne spreme ili diplomskom akademskom studiju ili poslijediplomskom naučnom magistarskom studiju (ovjerene kopije);
- uvjerenje o položenim ispitima iz prethodnih ciklusa studija; (original);
- dvije preporuke predmetnih nastavnika sa prethodnih ciklusa studija koje je kandidat pohađao (original), ukoliko su potrebne za upis;
- rješenje o nostrifikaciji diplome (ovjerena kopija), ukoliko je izvršena nostrifikacija diplome;
- objavljeni traženi naučni radovi, ukoliko su potrebni za upis;
- dokaz o poznavanju stranog jezika;
- drugi dokumenti u skladu sa Pravilima studiranja na III ciklusu studija i sticanju zvanja doktora nauka na Univerzitetu „Džemal Bijedić“ u Mostaru, objavljenom na web stranici Univerziteta.

Upis prve generacije polaznika doktorskog studija „Poljoprivreda“ organizirat će se samo pod uslovima da se za upis prijavi dovoljan broj kandidata, o čemu će odluku donijeti Vijeće doktorskog studija Agromediteranskog fakulteta Univerziteta „Džemal Bijedić“ u Mostaru.

Konkurs ostaje otvoren 15 dana od dana objavljivanja u dnevnim novinama.

**Prijave se podnose poštom (preporučeno) ili lično na adresu:**

**Univerzitet „Džemal Bijedić“ u Mostaru, Agromediteranski fakultet  
Sjeverni logor b.b., 88 104 Mostar**

**uz naznaku: Prijava na Konkurs za doktorski studij**

Sve potrebne informacije mogu se dobiti putem e-maila: [af@unmo.ba](mailto:af@unmo.ba) ili putem telefona:  
+ 387 (0) 36 571 388.